

NACRT

SREDNJOROČNI PLAN RADA

**AGENCIJA ZA SIGURNOST HRANE BIH
PERIOD 2024.-2026. GODINA**

Mostar, 2023. godine

Sadržaj

Poglavlje 1: Uvod	3
Poglavlje 2: Strateški okvir	3
Poglavlje 3: Mandat, vizija i misija.....	4
Poglavlje 4:Učesnici i partneri.....	4
Poglavlje 5: Osnovna programska opredjeljenja	5
Poglavlje 6: Resursi i kapaciteti potrebni za postizanje ciljeva	6
Poglavlje 7: Okvir za praćenje provođenja plana i evaluaciju rezultata.....	6
Analiza rizika u provođenju Srednjoročnog plana rada Agencije za sigurnost hrane BiH.....	6
Izveštaj o provedenim konsultacijama kod izrade.....	8
PRILOG: Akcioni plan Srednjoročnog plana rada Agencije za sigurnost hrane BiH	

Poglavlje 1: Uvod

Agencija za sigurnost hrane Bosne i Hercegovine (u daljnjem tekstu: Agencija), kao samostalna upravna organizacija osnovana je Odlukom o osnivanju Agencije za sigurnost hrane Bosne i Hercegovine („Službeni glasnik BiH“, broj 22/05) koja je donesena na osnovu člana 52. Zakona o hrani („Službeni glasnik BiH“, broj 50/04) i Zakona o Vijeću ministara Bosne i Hercegovine („Službeni glasnik BiH“, br. 30/03 i 42/03), a na prijedlog Ministarstva vanjske trgovine i ekonomskih odnosa Bosne i Hercegovine. U skladu s navedenim propisima, Agencija za svoj rad odgovara Vijeću ministara Bosne i Hercegovine. Agencija obavlja djelatnosti i zadatke u skladu s odredbama Zakona o hrani, Zakona o genetički modificiranim organizmima („Službeni glasnik BiH“, broj 23/09), podzakonskim propisima koji uređuju sistem sigurnosti hrane, kao i zakonskim i podzakonskim propisima koji uređuju funkcioniranje organa državne uprave.

Na osnovu odredbi Zakona o hrani tijela Agencije su: Upravni odbor, direktor, Savjetodavno vijeće, Naučno vijeće i naučni odbori.

Specifičnost u radu Agencije, shodno odredbama Zakona o hrani, ogleda se u činjenici da Upravni odbor: odobrava, odnosno usvaja interne i finansijske propise Agencije; usvaja programe i izvještaje o radu Agencije; osigurava da radni programi Agencije budu u skladu sa propisima i politikom prioriteta Vijeća ministara Bosne i Hercegovine na području sigurnosti hrane; predlaže propise za područje hrane i hrane za životinje i osigurava da Agencija obavlja svoje funkcije i izvršava svoje zadatke koji su joj dodijeljeni u skladu sa Zakonom o hrani.

Poglavlje 2: Strateški okvir

Strateški okvir institucija Bosne i Hercegovine do 2030. godine je dokument koji je pripremila Direkcija za ekonomsko planiranje Bosne i Hercegovine, a koji služi kao usmjeravajuća podloga strateških ciljeva za pripremu Srednjoročnog programa rada Vijeća ministara Bosne i Hercegovine.

Srednjoročni cilj: „Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH“ je cilj čijem ostvarenju doprinosi i Agencija (pored ostalih institucija u oblasti sigurnosti hrane).

U okviru navedenih principa razvoja u dokumentu, a uzimajući u obzir poslove i zadatke Agencije definisane Zakonom o hrani, mandat Agencije doprinosi:

Poticajnom okruženju za razvoj koji se fokusira na ostvarivanju snažnog ekonomskog razvoja prije svega, jasno definiranim politikama, konkurentnoj proizvodnji i distribuciji znanja.

Strateški cilj institucija Bosne i Hercegovine, a tako i Agencije određen je u Prijedlogu srednjoročnog programa rada Vijeća ministara Bosne i Hercegovine.

U skladu sa Strateškim okvirom za Bosnu i Hercegovinu, u okviru navedenog prioriteta **Poticajno okruženje za razvoj**, Agencija doprinosi preuzimanjem i implementacijom EU propisa i uspostavljanjem struktura kojim će se osigurati dostizanje potrebnog nivoa standarda kvaliteta i sigurnosti hrane za nesmetanu trgovinu poljoprivrednim robama i izvoz svih roba animalnog porijekla na tržište Evropske unije.

Poglavlje 3: Mandat, vizija i misija institucija

Mandat Agencije je:

- razvoj i primjena jedinstvene metodologije procjene rizika u području sigurnosti hrane i hrane za životinje,
- izrada naučnih studija u području sigurnosti hrane i hrane za životinje,
- edukacija zainteresiranih strana i izdavanje edukativnih materijala vezano za opasnosti i rizike koji potiču od hrane i hrane za životinje,
- obavještanje javnosti o pitanjima u okviru svoje djelatnosti,
- razvoj sistema sigurnosti hrane i hrane za životinje i
- vršenje naučnih i stručno-tehničkih poslova.

Vizija Agencije je izgrađen efikasan sistem sigurnosti hrane/hrane za životinje duž cjelokupnog prehrambenog lanca, baziran na procjeni rizika, koji će osigurati visok nivo zaštite zdravlja i interesa potrošača i djelovanje kao vodeće tijelo za procjenu rizika u oblasti sigurnosti hrane i hrane za životinje, te naučnih i stručnih savjeta u pogledu ishrane. Krajnji cilj je stručna i naučna podrška u području zaštite zdravlja i interesa potrošača.

Misija Agencije je unaprjeđenje sistema sigurnosti hrane i hrane za životinje zasnovanog na procjeni rizika i međunarodnim sporazumima i konvencijama iz područja sigurnosti hrane i hrane za životinje u cilju zaštite zdravlja i interesa potrošača, te stvaranju uslova subjektima u poslovanju s hranom da posluju u skladu s principima i standardima Evropske unije i time postanu konkurentniji na domaćem i međunarodnom tržištu.

Stalno jačati i provoditi efikasnu saradnju između nadležnih institucija koje su uključene u sistem sigurnosti hrane i to putem naučne saradnje, međuinstitucionalnog umrežavanja i razmjene podataka.

Poglavlje 4: Učesnici i partneri

Institucije u oblasti sigurnosti hrane

Agencija u svom radu saraduje s nadležnim organima i to:

Institucije Bosne i Hercegovine:

- Ministarstvo vanjske trgovine i ekonomskih odnosa,
- Ministarstvo vanjske trgovine i ekonomskih odnosa – Ured za veterinarstvo,
- Ministarstvo vanjske trgovine i ekonomskih odnosa – Uprava BiH za zaštitu zdravlja bilja,
- Direkcija za evropske integracije,
- Ministarstvo finansija i trezora i
- Ured za zakonodavstvo.

Institucije Federacije Bosne i Hercegovine:

- Ministarstvo poljoprivrede, vodoprivrede i šumarstva,
- Ministarstvo zdravstva,
- Ministarstvo trgovine i
- Uprava za inspekcijske poslove.

Institucije Republike Srpske:

- Ministarstvo poljoprivrede, šumarstva i vodoprivrede,
- Ministarstvo zdravlja i socijalne zaštite,

- Ministarstvo trgovine i turizma i
- Republička uprava za inspekcijske poslove.

Institucije Brčko distrikta Bosne i Hercegovine:

- Vlada Brčko distrikta BiH - Odjeljenje za poljoprivredu, šumarstvo i vodoprivredu,
- Vlada Brčko distrikta BiH - Odjeljenje za zdravstvo i ostale usluge i
- Ured gradonačelnika – Inspektorat.

Agencija saraduje i s ostalim institucijama od značaja za unaprjeđenje sistema sigurnosti hrane kao što su: laboratorije, privredne komore, udruženja potrošača, udruženja proizvođača, druge nevladine organizacije i akademska zajednica.

Agencija je potpisala Sporazum sa Evropskim autoritetom za sigurnost hrane, te su u tu svrhu imenovani predstavnici kao nacionalni koordinatori, odnosno predstavnici Naučnog odbora, te je izvršeno imenovanje Kontakt tačke ispred BiH za EFSA-u.

Poglavlje 5: Osnovna programska opredjeljenja

U skladu sa novom programskom strukturom u okviru programskog budžetiranja institucija Bosne i Hercegovine, koja je usaglašena sa Ministarstvom finansija i trezora Bosne i Hercegovine, u ovom Srednjoročnom planu rada Agencije na isti su način navedeni program, programska aktivnost, pokazatelj ishoda izlaznog rezultata i jedinica mjere, kao i u usaglašenoj programskoj strukturi.

Program:

- *Procjena, upravljanje i komunikacija rizika porijeklom iz hrane i hrane za životinje*

Pokazatelj ishoda:

- *Realizacija aktivnosti planiranih godišnjim programom rada (u %)*

Programska aktivnost 1:

- *Procjena rizika u oblasti sigurnosti hrane, koordiniranje izrade i implementacija propisa iz oblasti sigurnosti hrane*

Izlazni rezultati:

- *Broj pripremljenih naučnih i stručnih mišljenja i preporuka,*
- *Broj ažuriranih baza podataka/evidencija,*
- *Broj provedenih aktivnosti na osnovu saradnje sa međunarodnim i EU institucijama i organizacijama,*
- *Broj usklađenih propisa o hrani,*
- *Broj dokumenata u vezi implementacije propisa u području sigurnosti hrane.*

Programska aktivnost 2:

- *Upravljanje i administracija*

Izlazni rezultat:

- *Broj planskih i izvještajnih dokumenata*

Poglavlje 6: Resursi i kapaciteti potrebni za postizanje ciljeva

U navedenom trogodišnjem periodu predviđeni izvor finansiranja zasnovan je iz odobrenog budžeta Agencije.

Resursi i kapaciteti u Agenciji takođe se odobravaju u okviru odobrenog broja zaposlenih Zakonom o budžetu institucija Bosne i Hercegovine i međunarodnih obaveza Bosne i Hercegovine. Procedura odobravanja prijema u radni odnos propisana je pored zakonskih i podzakonskih propisa i zaključcima Vijeća ministara Bosne i Hercegovine.

Poglavlje 7: Okvir za praćenje provođenja plana i evaluaciju rezultata

Ključni pokazatelji uspješnosti ostvarenja ciljeva Agencije su mjerljivi putem kontinuiranog monitoringa provođenja aktivnosti, koji pokazuju da su unaprjeđeni funkcija procjene rizika i procesi upravljanja i komunikacije rizikom.

Pokazatelji rezultata realizacije programa su:

- Pripremljena naučna i stručna mišljenja i preporuke; ažurirane baze podataka/evidencija; provedene aktivnosti na osnovu saradnje sa međunarodnim i EU institucijama i organizacijama; usklađeni propisi o hrani; provedene aktivnosti na osnovu saradnje sa međunarodnim i EU institucijama i organizacijama.

U skladu s članom 22 a. stav (1) i članom 22. stav (3) Zakona o finansiranju institucija Bosne i Hercegovine („Službeni glasnik BiH“, br. 61/04, 49/09, 42/12, 87/12 i 32/13) rukovodilac institucije, uz završni račun za budžetsku godinu potpisuje Izjavu o odgovornosti za ostvarivanje ciljeva Agencije iz programa rada za predmetnu budžetsku godinu. U izjavi se navode ciljevi utvrđeni programom i procenat izvršenja istih, eventualna odstupanja od ostvarenog rezultata, iznos sredstava odobrenih budžetom i izvršenje istih, eventualno odstupanje od odobrenih i izvršenih rashoda, kao i sistem finansiskog upravljanja i kontrola koji je uspostavljen u Agenciji sa navođenjem preporuka eksterne revizije, interne revizije, zaključaka po navedenom Parlamentu BiH i Vijeća ministara BiH sa opisom realizacije po svim navedenim preporukama.

Analiza rizika u provođenju Srednjoročnog plana rada Agencije za sigurnost hrane Bosne i Hercegovine

Novi koncept sigurnosti hrane zasnovan je na tri međusobno povezane komponente analize rizika - procjena rizika, upravljanje rizikom i obavještanje o riziku i zahtijeva multisektorski pristup i uključenost svih zainteresiranih strana (potrošači, subjekti u poslovanju s hranom, laboratorije, akademska zajednica). Za razliku od Evropske unije, gdje Evropska agencije za sigurnost hrane (EFSA) obavlja samo poslove procjene rizika, a Evropska komisija poslove upravljanja rizikom, Agencija obavlja poslove i upravljanja rizika i procjene rizika.

U skladu sa Zakonom o hrani („Službeni glasnik BiH“, broj 50/04) Agencija u saradnji sa nadležnim organima, priprema propise o hrani koje donosi Vijeće ministara Bosne i Hercegovine. Nadležni organi navedeni su u Poglavlju 4. Institucije u oblasti sigurnosti hrane.

Na osnovu Zakona o hrani („Službeni glasnik BiH“, broj 50/04) Vijeće ministara Bosne i Hercegovine imenuje Upravni odbor Agencije. Na osnovu Zakona o genetički modificiranim organizmima („Službeni glasnik BiH“, broj 23/09) Vijeće ministara Bosne i Hercegovine imenuje Vijeće za genetski modificirane organizme. Na osnovu Pravilnika o sistemima kvaliteta za prehrambene proizvode („Službeni glasnik BiH“, broj 90/18) Vijeće ministara Bosne i Hercegovine imenuje Komisiju za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini. Na osnovu Pravilnika o prirodnim mineralnim i prirodnim izvorskim vodama (Službeni glasnik BiH, br. 26/10 i 32/12) i Pravilnika o stonim vodama (Službeni glasnik BiH, broj 40/10) Vijeće ministara Bosne i Hercegovine imenuje Komisiju za priznavanje prirodnih mineralnih, prirodnih izvorskih i stonih voda u Bosni i Hercegovini. Navedena tijela u skladu sa

svojim nadležnostima doprinose realizaciji poslova i zadataka iz nadležnosti Agencije (odobranje propisa o hrani; izdavanja odobrenja za stavljanje genetički modificirane hrane i hrane za životinje prvi put na tržište Bosne i Hercegovine; postupak zaštite oznaka porijekla i zaštite oznaka geografskog porijekla i postupak zaštite oznaka garantirano tradicionalnog specijaliteta prehrambenih proizvoda; postupak priznavanja prirodnih mineralnih, prirodnih izvorskih i stonih voda za stavljanje na tržište u BiH).

Uzimajući u obzir naprijed navedeno, za uspješnu realizaciju planiranih aktivnosti i ostvarenje postavljenih ciljeva pored unutrašnjeg organizovanja rada i upravljanja poslovnim procesima, mogući rizici u provođenju Srednjoročnog plana rada koji na indirektan način mogu uticati su:

- Kašnjenje ili ne dostavljanje komentara i mišljenja od strane nadležnih institucija Bosne i Hercegovine, entiteta i Brčko distrikta Bosne i Hercegovine u procesu pripreme propisa o hrani i drugih aktivnosti koje priprema Agencija u saradnji s nadležnim organima kao što je višegodišnji program kontrole, monitoring hrane i sl.
- Ne funkcionisanje tijela Agencije: Upravni odbor; Vijeće za genetički modificirane organizme; Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini; Komisije za priznavanje prirodnih mineralnih, prirodnih izvorskih i stonih voda u Bosni i Hercegovini; što može dovesti do obustave procesa za koja su ova tijela nadležna.

Kako institucije Bosne i Hercegovine prilikom izrade pojedinačnih Srednjoročnih planova razrađuju dijelove Srednjoročnog programa rada Vijeća ministara Bosne i Hercegovine koji se odnose na njihov mandat, bitno je napomenuti da poteškoće u donošenju pojedinačnih Srednjoročnih planova institucija nastaju i uslijed ne donošenja Srednjoročnih programa rada Vijeća ministara Bosne i Hercegovine, što predstavlja jedan od rizika u samoj izradi, kao i donošenju dokumenta od strane rukovodioca institucije.

Osnovni zaključci prethodnog Izvještaja o provođenju plana rada:

1. Nastavljena je saradnja s nadležnim institucijama Bosne i Hercegovine, Republike Srpske, Federacije Bosne i Hercegovine, Brčko distrikta Bosne i Hercegovine, kao i saradnja s akademskom zajednicom u Bosni i Hercegovini, laboratorijama, nevladinim organizacijama i drugim zainteresovanim stranama.
2. Agencija se kontinuirano bavila procjenom rizika, te na osnovu toga davala preporuke nadležnim organima Bosne i Hercegovine, Republike Srpske, Federacije Bosne i Hercegovine i Brčko distrikta Bosne i Hercegovine.
3. Agencija je putem INFOSAN mreže i RASFF sistema zaprimala informacije i blagovremeno iste dostavljala nadležnim organima na dalje postupanje.
4. Program praćenja (monitoring) ostataka pesticida u i na hrani biljnog i životinjskog porijekla u 2023. godini provodi se po planiranoj dinamici u skladu sa zakonskom procedurom.
5. Kontinuirano su se rješavali predmeti za priznavanje prirodnih mineralnih, prirodnih izvorskih i stonih voda u Bosni i Hercegovini zahvaljujući radu Komisije za priznavanje prirodnih mineralnih i prirodnih izvorskih voda u Bosni i Hercegovini, te se prati stanje u navedenoj oblasti u saradnji sa nadležnim inspeksijskim organima.
6. Kontinuirano su rješavani zahtjevi za stavljanje GM hrane za životinje na tržište Bosne i Hercegovine.

7. Kontinuirano su rješavani zahtjevi za registraciju naziva prehrambenih proizvoda zaštićenom oznakom porijekla, zaštićenom oznakom geografskog porijekla i oznakom garantirano tradicionalni specijalitet.
8. U okviru saradnje s laboratorijima za kontrolu hrane u Bosni i Hercegovini prikupljeni su i obrađeni rezultati laboratorijskih analiza hrane i hrane za životinje.
9. U okviru saradnje s institucijama javnog zdravstva prikupljeni su i analizirani epidemiološki podaci o oboljenjima koja se prenose putem hrane.
10. Nastavljena izuzetno dobra saradnja sa sredstvima informiranja.

Izvještaj o provedenim konsultacijama kod izrade

U skladu s odredbama Odluke o godišnjem planiranju rada i načinu praćenja i izvještavanja u institucijama Bosne i Hercegovine („Službeni glasnik BiH“, broj 94/14), Agencija je provela postupak javnih konsultacija o Nacrtu Srednjoročnog programa rada koji je bio objavljen na službenoj platformi ekonsultacije Ministarstva pravde Bosne i Hercegovine i web stranici Agencije (www.fsa.gov.ba) u dijelu koji se odnosi na javne konsultacije.

Poglavlje 8:

PRILOG: AKCIONI PLAN SREDNJOROČNOG PLANA RADA AGENCIJE ZA SIGURNOST HRANE BIH ZA PERIOD 2024. – 2026. GODINA

DIREKTOR

Dr. sci. Džemil Hajrić

sistema sigurnosti hrane, veterinarske kontrole i fitosanitarne oblasti u BiH	Unapređenje sistema sigurnosti hrane	1.1 Procjena, upravljanje i komunikacija rizika porjeklom iz hrane i hrane za životinje	1.1.1 Procjena rizika u oblasti sigurnosti hrane, koordiniranje izrade i implementacija propisa iz oblasti sigurnosti hrane	Agencija za sigurnost hrane BiH	Usklađenost sistema sigurnosti hrane u BiH	%	5	5	5	5	2.338.000	2.419.000	2.367.000	7.124.000	7.112.000	12.000	7.124.000	0	0101040	
				Agencija za sigurnost hrane BiH	Pripremljena naučna i stručna mišljenja i preporuke	Broj	300	350	400	450	195.400	198.000	198.000	591.400	591.400			591.400		0101041
				Agencija za sigurnost hrane BiH	Ažurirane baze podataka/evidencije	Broj	28	28	28	28	130.300	131.900	131.900	394.100	394.100			394.100		0101041

		Agencija za sigurnost hrane BiH		Provedene aktivnosti na osnovu saradnje sa medunarodnim i EU institucijama i organizacijama		Broj		93	103	113	123	130.300	131.900	131.900	394.100	394.100													394.100	0101041
				Usklađeni propisi o hrani		Broj		164	166	168	170	456.000	461.600	461.600	1.379.200	1.379.200											1.379.200	0	0101041	

PREGLED ZAKONA, DRUGIH PROPISA I RAZVOJNO-INVESTICIJSKIH PROJEKATA/PROGRAMA PREDVIĐENIH SREDNJOROČNIM PLANOM RADA AGENCIJE ZA SIGURNOST HRANE BIH

Strateški cilj:		Osigurati održiv i pametan ekonomski razvoj						
Prioritet:		Poticajno okruženje za razvoj						
1	2	3	4	5	6	7	8	9
Srednjoročni cilj	Specifični ciljevi	Programi	ZAKONI	PODZAKONSKI AKTI	Usklađivanje s pravnim nasljedem EU-a (DA ili NE)	Planirano razdoblje za DONOŠENJE	NAZIV PROJEKTA JAVNIH INVESTICIJA	Očekivano RAZDOBLJE REALIZACIJE
Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH	Unapređenje sistema sigurnosti hrane	Procjena, upravljanje i komunikacija rizika porijeklom iz hrane i hrane za životinje		<p>Agencija će u 2024. godini, u slučaju iskazane potrebe, raditi i na izradi podzakonskih akata, kao i preuzimanju relevantnih odredbi EU propisa u cilju usklađivanja sa standardima iz poglavlja 12. Sigurnost hrane, veterinarstvo i fitosanitarna politika acquis-a. Navedena aktivnost se provodi da bi se postigla veća efikasnost provedbenih mehanizama i propisa, u cilju ispunjavanja:</p> <ul style="list-style-type: none"> - obaveza Bosne i Hercegovine proisteklih iz Sporazuma o stabilizaciji i pridruživanju između Evropskih zajednica i njihovih država članica sa jedne strane, i Bosne i Hercegovine sa druge strane, - obaveza iz godišnjih izvještaja o napretku Bosne i Hercegovine i - uslova za nesmetan izvoz prehrambenih proizvoda iz Bosne i Hercegovine. 	DA	2024. godina		
				<p>Pravilnik o izmjenama i dopunama pravilnika o maksimalnim nivoima ostataka pesticida u i na hrani i hrani za životinje biljnog i životinjskog porijekla</p>	DA	2024. godina		

			<p>Agencija će u 2025. godini, u slučaju iskazane potrebe, raditi i na izradi podzakonskih akata, kao i preuzimanju relevantnih odredbi EU propisa u cilju usklađivanja sa standardima iz poglavlja 12. Sigurnost hrane, veterinarstvo i fitosanitarna politika acquis-a. Navedena aktivnost se provodi da bi se postigla veća efikasnost provedbenih mehanizama i propisa, u cilju ispunjavanja:- obaveza Bosne i Hercegovine proisteklih iz Sporazuma o stabilizaciji i pridruživanju između Evropskih zajednica i njihovih država članica sa jedne strane, i Bosne i Hercegovine sa druge strane,- obaveza iz godišnjih izvještaja o napretku Bosne i Hercegovine i- uslova za nesmetan izvoz prehrambenih proizvoda iz Bosne i Hercegovine.</p>	DA	2025. godina		
			<p>Pravilnik o izmjenama i dopunama pravilnika o maksimalnim nivoima ostataka pesticida u i na hrani i hrani za životinje biljnog i životinjskog porijekla</p>	DA	2025. godina		
			<p>Agencija će u 2026. godini, u slučaju iskazane potrebe, raditi i na izradi podzakonskih akata, kao i preuzimanju relevantnih odredbi EU propisa u cilju usklađivanja sa standardima iz poglavlja 12. Sigurnost hrane, veterinarstvo i fitosanitarna politika acquis-a. Navedena aktivnost se provodi da bi se postigla veća efikasnost provedbenih mehanizama i propisa, u cilju ispunjavanja:</p> <ul style="list-style-type: none"> - obaveza Bosne i Hercegovine proisteklih iz Sporazuma o stabilizaciji i pridruživanju između Evropskih zajednica i njihovih država članica sa jedne strane, i Bosne i Hercegovine sa druge strane, - obaveza iz godišnjih izvještaja o napretku Bosne i Hercegovine i - uslova za nesmetan izvoz prehrambenih proizvoda iz Bosne i Hercegovine. 	DA	2026. godina		
			<p>Pravilnik o izmjenama i dopunama pravilnika o maksimalnim nivoima ostataka pesticida u i na hrani i hrani za životinje biljnog i životinjskog porijekla</p>	DA	2026. godina		